



N a c r t

Na osnovu člana 13. tačka 18. Zakona o principima lokalne samouprave ("Službene novine FBiH" broj: 34/06 i 51/09) i člana 24. tačka 2. Statuta općine Gradačac („Službeni glasnik općine Gradačac” br. 4/08 i 5/12) Općinsko vijeće općine Gradačac, na ___ sjednici održanoj dana _____ 2015. godine, d o n o s i

ODLUKU
o radnom vremenu u određenim djelatnostima

DIO PRVI – OPĆE ODREDBE

Član 1.

Odlukom o radnom vremenu u određenim djelatnostima (dalje: Odluka) utvrđuje se radno vrijeme u toku sedmice, te početak i završetak radnog vremena u toku dana u objektima koji se nalaze na području općine Gradačac, a u kojima fizička i pravna lica, u skladu sa zakonom, obavljaju uslužne djelatnosti trgovine, ugostiteljstva, turizma i zanatstva (dalje: uslužne djelatnosti).

Član 2.

Odredbe ove odluke ne primjenjuju se na:

- poslovne jedinice – radnje koje pružaju ugostiteljske usluge uposlenim u preduzećima, organizacijama, udruženjima i ustanovama;
- na stovarišta u kojima se vrši promet robe na veliko;
- na prodajna mjesta u sklopu pijaca.

Član 3.

Minimalno radno vrijeme je vrijeme u kojem objekti u kojima se obavljaju uslužne djelatnosti moraju biti otvoreni radi zadovoljavanja potreba građana.

Minimalno radno vrijeme traje najmanje 7 sati dnevno, s tim da ne može biti kraće od četiri (4) sata prije podne i tri (3) sata poslije podne, osim ako ovom odlukom, za pojedine uslužne djelatnosti nije drukčije određeno.

Izuzetno, u dane vikenda, državnih i vjerskih praznika, može se utvrditi i kraće radno vrijeme.

Radna sedmica ne može biti kraća od 6 radnih dana, osim ako ovom odlukom nije drukčije određeno.

Član 4.

Obavijest o radnom vremenu mora biti istaknuta na vidnom mjestu na ulazu u radne prostorije, a lica koja obavljaju uslužne djelatnosti dužna su da se pridržavaju istaknutog radnog vremena, utvrđenog u skladu sa ovom odlukom.

Član 5.

Radno vrijeme u poslovnim prostorima može biti i duže od minimalnog radnog vremena utvrđenog ovom odlukom i to na način kako utvrde subjekti poslovnih prostora, uz prethodno pribavljeno odobrenje nadležne općinske službe (dalje: Služba).

DIO DRUGI – RADNO VRIJEME U OBLASTI USLUŽNIH DJELATNOSTI

POGLAVLJE I. RADNO VRIJEME PRODAVNICA NA MALO

Član 6.

U prodavnicama u kojima se vrši promet na malo prehrambenim proizvodima mora se obezbijediti radno vrijeme svakim radnim danom od 06 do 20 sati, a u zimskom računanju vremena u periodu od 07 do 18 sati, s tim da najduže radno vrijeme može biti do 22 sata.

Izuzetno od odredbe prethodnog stava u prodavnicama koje ne mogu obezbijediti neprekidno radno vrijeme, mogu raditi dvokratno, a u skladu sa članom 3. stav 2. ove odluke.

Član 7.

Prodavnice tipa dragstor moraju biti otvorene neprekidno od 00 do 24 sata.

Član 8.

U prodavnicama u kojima se vrši promet na malo neprehrambenim proizvodima mora se obezbijediti radno vrijeme svakim radnim danom od 08 do 18 sati, a subotom od 08 do 14 sati.

Izuzetno od odredbe prethodnog stava u prodavnicama koje ne mogu obezbijediti neprekidno radno vrijeme, mogu raditi dvokratno, a u skladu sa članom 3. stav 2. ove odluke.

Član 9.

U dane državnih praznika radno vrijeme objekata iz člana 6. i 8. je kako slijedi:

- ako državni praznik traje jedan dan taj dan se ne radi;
- ako državni praznik traje dva dana prvi se dan ne radi, a drugog dana radno vrijeme je kao i nedjeljom za objekte koji inače rade nedjeljom tj. od 7 do 12 sati.

Član 10.

Minimalno radno vrijeme u apotekama je 7 sati dnevno, a subotom 5 sati, s tim što se rad može odvijati i dvokratno u skladu sa čl. 3. st. 2. ove odluke.

Apoteke mogu raditi i duže od minimalnog radnog vremena, kao i uvesti dežurstvo nedjeljom, ukoliko ispunjavaju zakonom predviđene uvjete.

Član 11.

Radno vrijeme benzinskih pumpi, te ugostiteljskih i trgovinskih objekata koji rade u sastavu benzinskih pumpi može trajati u vremenu od 00 do 24 sata.

POGLAVLJE II. RADNO VRIJEME UGOSTITELJSKIH OBJEKATA

Član 12.

U objektima u kojima se obavlja ugostiteljska djelatnost određuje se završetak radnog vremena najkasnije do 23,30 sati, izuzev petka, subote i nedjelje kada može trajati do 0,30 sata.

Muzika u ovim objektima treba prestati 1 sat prije prestanka radnog vremena.

Član 13.

Radno vrijeme ugostiteljskih objekata koji se nalaze u sklopu stambeno-poslovnih objekata, završava se najkasnije u 22,30 sati, a petkom, subotom i nedjeljom u 23,30 sati.

Član 14.

Hoteli, moteli, pansioni, prenoćišta i drugi objekata koji pružaju usluge smještaja i to odjel recepcije, mogu svoje radno vrijeme organizovati non stop tj. od 00 do 24 sata.

Radno vrijeme disko barova, disko klubova i restorana sa muzikom je od 18 do 0,30 sati, a u dane vikenda i praznika do 01,30 sati.

Član 15.

U svim ugostiteljskim objektima iz Poglavlja II. ove odluke, osim ugostiteljskih objekata iz člana 17. ove odluke, dozvoljeno je izvođenje ili emitovanje muzike poslije 23 sata ukoliko ima čujnost izvan zatvorenog objekta u kojem se emituj, a u skladu sa Zakonom o zaštiti od buke TK i Odlukom o javnom redu i miru.

Član 16.

Ugostiteljski objekti čije je sjedište van naseljenih mjesta općine Gradačac, mogu svoje radno vrijeme organizovati iznad maksimalno utvrđenog radnog vremena, a najkasnije do 02,00 sata, a u dane vikenda i praznika do 03,00 sati.

Nadležna općinska služba će na zahtjev zainteresovanog lica, utvrditi da li se ugostiteljski objekat nalazi van naseljenog mjesta.

Član 17.

Ugostiteljski objekti mogu u ljetnom periodu, tj. od 01.04. do 31.10., produžiti radno vrijeme iznad maksimalno utvrđenog radnog vremena za jedan sat.

Član 18.

Ugostiteljski objekti u kojima se organizuju svečanosti i zabave (maturalne zabave, svadbe, proslave godišnjica, vjerskih praznika, manifestacije Sajma šljive, novogodišnjih praznika, proslava 8. marta i druge slične zabave) mogu raditi u radnom vremenu od 19 sati do 05 sati narednog dana, ukoliko su prethodno pribavili saglasnost od Policijske uprave Gradačac.

Član 19.

Ugostiteljski objekti izuzev hotela i motela koji pružaju usluge smještaja mogu uvesti jedan dan kao neradni u sedmici.

Član 20.

Objekti u kojima se obavljaju djelatnosti koje se odnose na igre na sreću u skladu sa Zakonom o igrama na sreću F BiH, kao i djelatnosti koje se odnose na pružanje internet usluga, a u kojima se ne služe alkoholna pića i ne pušta muzika, mogu svoje radno vrijeme organizovati najkasnije do 01 sat, ukoliko ispunjavaju uvjete predviđene zakonima koji reguliraju ove oblasti.

POGLAVLJE III. RADNO VRIJEME USTANOVA U KOJIMA BORAVE DJECA

Član 21.

Radno vrijeme ustanova za dnevni boravak djece (obdaništa, igraonice i sl.) uvodi se u trajanju od 6,30 sati do 16,30 sati, svakim radnim danom.

Ustanove iz prethodnog stava ovog člana mogu uvesti i rad u dane vikenda ukoliko se za isto ukaže potreba od strane korisnika usluga ustanova, te ukoliko ustanova može svoj rad organizovati u skladu sa odredbama Zakona o radu.

POGLAVLJE IV. RADNO VRIJEME ZANATSKIH DJELATNOSTI

Član 22.

Objekti u kojima se obavljaju zanatske djelatnosti moraju obezbijediti minimalno radno vrijeme u skladu sa članom 3. ove odluke.

DIO TREĆI – OGRANIČAVANJE RADNOG VREMENA

Član 23.

Ako se vršenjem ugostiteljske, zanatske i druge djelatnosti uznemiravaju građani koji rade ili stanuju u susjedstvu, Služba može, po prethodno pribavljenom mišljenju Policijske uprave, ograničiti rad u objektu do 20 sati.

Izuzetno od odredbe prethodnog stava ne može se ograničiti radno vrijeme za zanatske i druge djelatnosti koje po prirodi svog tehnološkog procesa moraju obavljati djelatnost neprekidno, danju i noću, a ne postoji tehnička ili druga mogućnost da se spriječi širenje buke.

Član 24.

Zahtjev za pokretanje postupka za ograničenje vremena iz prethodnog člana ove odluke može podnijeti Vijeće mjesne zajednice ili grupa građana ili Policijska stanica.

Član 25.

Pravno lice, odnosno imalac ugostiteljskog i drugog objekta kome je ograničeno radno vrijeme može pokrenuti postupak za ukidanje ograničenja radnog vremena i to tek nakon proteka roka od najmanje 6 mjeseci po pravosnažnosti rješenja o ograničenju radnog vremena.

Pri odlučivanju o zahtjevu iz prethodnog stava ovog člana potrebno je o istom zatražiti mišljenje Policijske stanice.

DIO ČETVRTI – KAZNENE ODREDBE

Član 26.

Novčanom kaznom u iznosu od 500,00 do 2.500,00 KM kazniće se za prekršaj pravno lice i imalac radnje:

- ako odredi radno vrijeme suprotno odredbama ove odluke;
- ako na ulazu u objekat vidno ne istakne obavijest o radnom vremenu (član 4. odluke);
- ako se ne pridržava radnog vremena;
- ako se ne pridržava rješenja Službe kojim je ograničeno radno vrijeme (član 23. odluke)

Za prekršaje iz prethodnog stava kaznit će se i odgovorno lice u pravnom licu novčanom kaznom od 200,00 do 1.000,00 KM.

DIO PETI – PRIJELAZNE I ZAVRŠNE ODREDBE

Član 27.

Općinsko vijeće ovlašćuje općinskog načelnika da može za djelatnosti iz člana 1. ove Odluke odrediti drugačije radno vrijeme u dane praznika od radnog vremena propisanog odlukom, ako ocijeni da za to postoji potreba.

Član 28.

Nadzor nad sprovođenjem odredaba ove odluke vršit će nadležna inspekcija i i radnici Policijske uprave.

Član 29.

Subjekti koji obavljaju djelatnosti iz člana 1. ove odluke dužni su svoje radno vrijeme uskladiti sa odredbama ove odluke u roku od 30 dana od dana njenog stupanja na snagu.

Član 30.

Stupanjem na snagu ove odluke prestaje da važi Odluka o radnom vremenu u određenim djelatnostima („Službeni glasnik Općine Gradačac” broj: 10/08 i 2/09).

Član 31.

Ova Odluka stupa na snagu osmog dana od dana objavljivanja u “Službenom glasniku općine Gradačac”.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj: _____ /15
Gradačac, _____ 2015. godine

PREDSJEDAVAJUĆI
OPĆINSKOG VIJEĆA